



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XVII. Gregorii Papae I. Ad Evmdem. Patrimonium ecclesiae in
Sicilia commendat.

urn:nbn:de:hbz:466:1-15221

nobis noscitur intimasse, Rusticam quondam illustrem feminam ante nos fere viginti & uno annis condito testamento Felicem iugalem suum heredem instituisse, eique de construendo illic in Sicilia monasterio hac conditione interposita delegasse, vt si intra anni spatium omnia libertis dimissa legata non solueret, vel prædictum monasterium ita vt voluit minime ordinaret, tunc sancta Romana ecclesia portionem quam in fundo Cumas habere visa est sibi deberet sine dubio vendicare, & ipsa ad persoluenda eadem legata, vel constructionem ipsius monasterii solatia commodare. Vnde quia, quantum dicitur, dimissa res hactenus minime ipsi monasterio est completa, atque ab eius puncusque heredibus possessionis pars aliqua detinetur; cum omni subtilitate experientia tua causam exquirat atque discutiat. Et primum quidem si in conditione testamenti heres incidit, per quod nostra habeat causas ecclesia, inuestigare te volumus atque evidenter addiscere, & utilitatem pauperum, sicut rei ordo poposcerit, exequi: & tunc pro ordinatione cellæ illius, vel redintegratione dimissæ rei instanter esse solicitum; quatenus pia testatrix voluntas in utroque valeat adimpleri, & detentores iniusti culpam retentionis indebitæ ex iusta amissione cognoscant. Cum omni ergo viuacitate causam hanc & exquirere, & ad effectum te volumus, Domino auxiliante, perducere, ut pia ordinantis deuotio tandem sortiatur effectum. Sed & monasterio ipsi in omnibus, salua iustitia, solariarite volumus, ut laicæ personæ quasi ex conditoris nomine, quæ iuuaminis debuerunt ferre solatum, laddendi non habeant, sicut asseritur, facultatem.

EPISTOLA XVII.

G R E G O R I I P A P Æ I.

AD E V M D E M.

Patrimonium ecclesiæ in Sicilia commendat.

Gregorius Romano defensori.

PROPOSITI nostri cura nos admonet ecclesiasticas utilitates strenuis agendas mandare personis. Et ideo, quia te Romanum defensorem fidelem solicitumque probauimus extitisse, patrimonium sanctæ Romanæ, cui Deo

Concil. Tom. 13.

L III ij

miserante deseruimus ecclesiæ, in partibus Syracusanis, Catanensibus, Agrigentinis, vel Milensibus constitutum, a præsenti secunda indictione gubernationi tuæ præuidimus committendum. Vnde necesse est te illuc indiferenter accedere, vt diuini consideratione iudicii, nostræ quoque admonitionis memoria te efficaciter ac fideliter studeas exhibere, vt nullius neglectus vel fraudis, quod absit, inueniaris sustinere periculum. Magis autem id agas, quatenus de fide & industria tua diuinæ possis gratiæ commendari. Ad familiam vero eiusdem patrimonii secundum morem præcepta direximus, vt nihil sit quod te ad peragenda ea, quæ tibi iniuncta sunt, in aliquo valeat impedire.

EPISTOLA XVIII.

GREGORII PAPÆ I.

AD COLONOS PATRIMONII SYRACVSANI.

Vt obedient Romano defensori.

Gregorius colonis patrimonii Syracusani.

COGNOSCATIS volo, quia ad sollicitudinem vos defensoris nostri dispositio nostra pertinere constituit. Et ideo præcipimus, vt ea quæ vobis peragenda pro utilitatibus ecclesiasticis præuiderit, & iniunxerit, sine aliqua debeatissima difficultate obedire. Cui talem dedimus potestatem, vt eos qui inobedientes, vel attentauerint contumaces existere, disticta vltione corripiat. Pariterque illi demandauimus, vt mancipia quæ foris latitant, vel a quocumque aliqui fines inuasi sunt, sollicitudinis suæ instantia iure ecclesiastico reuocare non differat. Noueritis etenim cum periculo suo fuisse commonitum, vt nullam aliquid violentiam rebus alienis, vel raptum qualibet excusatione facere præsumat.